



ՎԵՀԱՓԱՌ ՀԱՅՐԱՊԵՏԸ ԺՆԵՎՈՒՄ

Հուլիսի 9—25 օրերին Վեհափառ Հայրապետը, Մայր Աթոռի վերաբերյալ մի շարք գործնական հարցերով անձամբ զբաղվելու և կարգավորելու համար, ոչ պաշտոնական այցելությամբ լինում է Ժնևում:

Այս առթիվ Հայոց Հայրապետը մի անգամ ևս անձամբ իր օրհնություններն ու ողջույններն է բերում Ժնևի հայ համայնքին և ունկնդրություն է շնորհում մի շարք ազգայինների, որոնք փութացել էին Ժնև Ֆրանսիայից, Իտալիայից և Անգլիայից՝ ողջունելու Նորին Սրբությանը և բարի գալուստ մաղթելու:

Վեհափառ Հայրապետին ողջեցում էր տ. Գևորգ Ծ. վրդ. Կարպիսյանը:

Հուլիսի 9-ին, ուրբաթ օրը, ժամը 17-ին, Վեհափառ Հայրապետը Մոսկվայից մեկնում է Ժնև, ուր Նրան դիմավորում են հոգևոր հովիվ տ. Ներսես Ծ. վրդ. Պոգապայանը, գաղութի վարչության անդամները՝ վարչության նախագահ Ծարլ Փիլիպպոսյանի, և եկեղեցական վարչության անդամները՝ ատենապետ Կարպիս Ղազարյանի գլխավորությամբ:

Հայոց Հայրապետի ժամանումը ողջունում են նաև օդանավակայանում Ժնևի հայոց նորակերտ ու Հակոբ եկեղեցու շինության բարերար Հակոբ Թոփալյանը, ազգայիններ Էժեն Փափազյանը, Կրոնիկ Փափազյանը և գաղութի այլ անդամներ և կազմակերպությունների ներկայացուցիչներ:

Օդանավակայանում Հայոց Հայրապետին ողջունում և բարի գալուստ են մաղթում նաև տեղի և տիկին Սարգիս-Աստղիկ Բյուրքեյանները (Լոնդոն), Մուշեղ Ծիերմյանը (Մոնակո), Ստեփան Սրապյանը (Միլան), Մկրտիչ Թիլեֆյանը (Ստամբուլ):

Հուլիսի 11-ին, կիրակի օրը, առավոտյան ժամը 11-ին, տ. Գևորգ Ծ. վրդ. Կարպիսյանը ու պատարագ է մատուցում Ժնևի հայոց ու Հակոբ եկեղեցում:

«Հայր մեր»-ից առաջ Վեհափառ Հայրապետը հանձն կենաց քարոզությամբ մխիթարում է Ժնևի իր հոգևոր զավակներին՝ բաշխելով իր օրհնությունը և տալով հայրապետական իր պատգամը:

Նորին Սրբությունը քարոզի վերջում հայրապետական իր բարձր գնահատությանն ու ուշադրությանն է արժանացնում Ժնևի հայոց գաղութային և եկեղեցական վարչությունների եկեղեցաշեն գործունեությանը և օրհնում անունն ու գործը եկեղեցու շինության բարերար Հակոբ Թոփալյանի. «Երանի՜ եկեղեցի շինողաց»:

Ժամը 16.30-ին հյուրանոցի իր հարկաբաժնում Հայոց Հայրապետը ընդունում է այցելությունը ու Ղազարի Մխիթարյան միաբանության նորընտիր աքբահոր՝ հայր Պողոս վրդ. Անանյանի, որ այս առթիվ հատկապես ժամանել էր Ժնև՝ ողջունելու Նորին Սրբությանը՝ ընկերակցությամբ հայր

Ներսես վրդ. Տեր-Ներսիսյանի և հայր Հովսեփ վրդ. Պեհեսնիյանի:

Հուլիսի 18-ին, երեքշաբթի օրը, առավոտյան ժամը 11-ին, Հայոց Հայրապետը այցելում է Ժենու միացյալ ազգերի կազմակերպության մոտ Սովետական Միության մշտական ներկայացուցիչ տիկին Մոտալուպային:

Նույն օրը, ժամը 18-ին, Հայոց Հայրապետը ոչ պաշտոնական այցելություն է տալիս Ժենու եկեղեցիների համաշխարհային խորհրդի կենտրոնին: Եկեղեցիների համաշխարհային խորհրդի ընդհանուր քարտուղար դոկտ. Է. Կ. Բելյկը ջերմորեն ու եղբայրական սիրով ողջունում է Հայոց Հայրապետին ու բարի գալուստ մաղթում:

Հայոց Հայրապետի և դոկտ. Է. Կ. Բելյկի միջև տեղի է ունենում բարեկամական զրույց՝ մտերմիկ մթնոլորտում:

Նույն օրը, երեկոյան ժամը 18-ին, Վեհափառ Հայրապետը բարեհաճում է օրհնել տեր և տիկին Սարգիս-Աստղիկ Քյուրքճյանների սեղանը: Այս առթիվ Ժորժ և Շոնի Քյուրքճյան եղբայրները ուրախացնում են Նորին Սրբությանը իրենց 20000 դոլլարի նվիրատվությամբ՝ Հայաստանում մի պատմական եկեղեցու վերանորոգման համար:

Հուլիսի 18-ին, երեքշաբթի օրը, առավոտյան ժամը 10-ին, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպ. Մանուկյանը ժամանում է Ժեն՝ ողջունելու համար Հայոց Հայրապետին և բարի գալուստ մաղթելու:

Հուլիսի 14-ին, չորեքշաբթի օրը, երեկոյան ժամը 19-ին, Վեհափառ Հայրապետը նախագահում է Ժենի եկեղեցական վարչության առեմնապետ Կարախա Ղազարյանի կազմակերպած ճաշկերույթին, Ժենի «Օթել դը լա Պե»-ի մեջ:

Հուլիսի 16—20 օրերին Վեհափառ Հայրապետը տ. Սերովբե արքեպիսկոպոսի և տ. Գևորգ Ծ. վարդապետի հետ մասնավոր հյուրն է լինում տիար Երվանդ Հյուսիսյանի, Ինտերլակենյում:

Հուլիսի 21-ին, չորեքշաբթի օրը, Վեհափառ Հայրապետը Ինտերլակենյից վերադառնում է Ժեն:

Նույն օրը, երեկոյան ժամը 20-ին, Վեհափառ Հայրապետը նախագահում է Ժենի գաղութային վարչության նախագահ տիար Ծարլ Փիլիպպոսյանի կազմակերպած ճաշկերույթին:

Հուլիսի 22-ին, հինգշաբթի օրը, առավոտյան ժամը 11-ին, Ժեն է ժամանում Լոնդոնի հայրապետական պատվիրակ տ. Պաակ արքեպ. Թումանյանը՝ ողջունելու և

բարի գալուստ մաղթելու Հայոց Հայրապետին:

Հուլիսի 22—25 օրերին Վեհափառ Հայրապետը հյուրանոցի Իր հարկաբաժնում ընդունում է մի շարք ազգայինների և Ժենվում եկեղեցական հարանվանությունների ներկայացուցիչների և թղթակիցների այցելությունները:

Հուլիսի 25-ին, կիրակի օրը, Վեհափառ Հայրապետը հրաժեշտ է առնում Ժենի հայոց համայնքից:

Դեպի Մոսկվա Վեհափառ Հայրապետին ընկերակցում էին տ. Ներսես և տ. Գևորգ Ծ. վարդապետները:

Մոսկվայի Դոմոդեդովի օդանավակայանում Հայոց Հայրապետի ժամանումը ողջունում են Հյուսիսային Կովկասի և Ռուսաստանի հայոց առաջնորդ տ. Պարզե եպս. Գևորգյանը, տ. Կոմիտաս եպիսկոպոսը, Լոնդոնի հայոց ս. Սարգիս եկեղեցու հոգևոր հովիվ տ. Արսեն վրդ. Բերբերյանը:

Հայոց Հայրապետի ժամանումը ողջունում են նաև ՍՍՀՄ Միևհատրների սովետին առընթեր կրոնական գործերի խորհրդի նախագահի տեղակալ Պ. Մակարցևը և ՀՍՍՀ Միևհատրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը:

Հուլիսի 26-ին, երկուշաբթի օրը, ժամը 13-ին, Հայոց Հայրապետը այցելում է համայն Ռուսաստանի և Մոսկվայի Նորին Սրբություն Ս. Պիմեն Պատրիարքին:

Երկու եկեղեցիների հոգևոր պետերի միջև տեղի է ունենում եղբայրական ջերմ զրույց՝ սրտագին մթնոլորտում:

Ս. Պիմեն Պատրիարքը Հայոց Հայրապետի պատվին տալիս է ճաշկերույթ, որն անցնում է շատ ջերմ մթնոլորտում:

Հուլիսի 27-ին, երեքշաբթի օրը, Վեհափառ Հայրապետը վերադառնում է Մալթ Սթոո՝ ընկերակցությամբ տ. Գևորգ, տ. Ներսես և տ. Արսեն վարդապետների:

Մոսկվայի օդանավակայանում Հայոց Հայրապետին անձամբ ճանապարհում է համայն Ռուսաստանի և Մոսկվայի Նորին Սրբություն Ս. Պիմեն Սրբազան Պատրիարքը՝ շրջապատված միտրոպոլիտներով:

Վեհափառ Հայրապետին ճանապարհում է նաև տ. Պարզե եպիսկոպոսը:

Մոսկվայի Դոմոդեդովի օդանավակայանում Հայոց Հայրապետին բարի ճանապարհ են մաղթում նաև ՍՍՀՄ Միևհատրների սովետին առընթեր կրոնական գործերի խորհրդի նախագահի տեղակալ Պ. Մակարցևը և ՀՍՍՀ Միևհատրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը: